



UNIVERSITÄTS-
BIBLIOTHEK
PADERBORN

SANCTI|| IOANNIS|| DAMASCENI OPERA,||

Johannes <Damascenus>

Parisiis, 1577

De militibus. cap. lxx.

[urn:nbn:de:hbz:466:1-71880](https://nbn-resolving.org/urn:nbn:de:hbz:466:1-71880)

A **I**NTERROGABANT autem eum & milites, dicens, Quid faciemus Luc. 3.
& nos? Et ait illis: Neminem concutiatis, neque calumniam faciatis: &
contenti estote stipendiis vestris.

*Contenti estote stipendiis vestris, milites, neque, præter id quod vobis constitutum est, Nat.
quicquam exigite. Hæc vobis mecum præcipit eximius ille Vir Ioannes. Quid autem per Luc. 3.
obsonium intelligo? Regiam annonam scilicet, eaque congiaria, quæ iis, qui dignitate fun-
guntur, legis instituto contingunt. Quod autem amplius est, cuiusnam? Equidem ipse dice-
re Vereor, ne quid mali ominis afferat oratio: at non dubito quin ipsi perspectum habeatis.*

B *Militem præter ea, quæ ad militiam spectant, nihil curiosius inquirere oportet: Verum Anony-
mi.
illud semper meminisse, hanc sibi prouinciam mandatam esse, vt pacem custodiat.*

De vite consuetudine cum probis viris, ac non cum improbis ineunda.

Iis enim quisque similis efficitur, cum quibus versatur.

CAP. LXXI.

C **R**EGINA Saba dixit ad Salomonem: Verus est sermo quem 3. Reg. 10.
audiui in terra mea super sermonibus tuis, & super sapientia tua:
& non credebam narrantibus mihi, donec ipsa veni, & vidi o-
culis meis, & probaui quod media pars mihi nuntiata non fue-
rit. Maior est sapientia tua, & opera tua, quam rumor, quem au-
diui. Beati viri tui, & beati serui tui hi, qui stant coram te sem-
per, & audiunt sapientiam tuam;

Dixit Elias ad Eliseum, Sede hinc; quia Dominus misit me vsque in Bethel. 4. Reg. 2.
Cui ait Eliseus, Viuit Dominus, & viuit anima tua, quia non derelinquã te. Cùm-
que descendissent in Bethel, egressi sunt filij Prophetarum ad Eliseum, & dix-
erunt ei, Nunquid nosti, quia hodie Dominus tollet dominum tuum à te? Qui
respondit, Et ego noui: filete. Et dixit Elias ad Eliseum, Sede hinc: quia Dominus
misit me in Iericho. Et ait ille: Viuit Dominus, & viuit anima tua, quia non dere-
linquam te. Et paulò post: Dixit Elias ad Eliseum, Postula quod vis vt faciam
tibi, antequam tollar à te. Dixitque Eliseus, Obsecro vt fiat in me duplex spiritus
tuus. Qui dixit: Rem difficilem postulasti: attamen si videris me, quando tollar à
te, erit tibi quod petisti: si autem non videris, non erit.

*Hinc docemur optimos viros, etiamsi ipsi velint, minime relinquere. Magnam enim Scholium
eorum vsus atque consuetudo vtilitatem habet. Testis est Eliseus, qui ad extremum vsque Damasci
cum Elia permansit, ac propterea duplicem dignitatem est consecutus.*

Ambulans cum sapientibus, sapiens eris. Loquimini cum hominibus iu- Pro. 1.
stis. Sapientum sermonibus admouẽ aures tuas. Adolescens cum pio vi-
E ro: & recta erit via eius.

Si videris sensatum, euigila ad eum: & gradus ostiorum illius exterat pes tuus. Ecl. 6.

In multitudine seniorum sta: & si quis est sapiens, adhære illi. Ne despicias 8.

narrationem presbyterorum sapientum: & in proverbiis eorum conuersare. 9.
Viri iusti sint tibi coniuuæ. Cum viro pio perpetuò versare. Quem vi-
deris custodientem mandata, sit tibi charus tanquam anima tua: & si cecideris,
condolebit tibi. Volucres cum similibus commorantur.

*Quemadmodum pictores, cum ab imaginibus imagines pingunt, identidem in exem- Basil. e-
plar intuentes formam illam ad suum opus transferre studet: sic eum, qui se omnibus virtu- Pist. 1.
tis partibus absolutum reddere laborat, ad sanctorum vitas, tanquam ad imagines quasdam mo-*